

Stratejî û Polîtîkaya Ziwanê Kurdî û Kulturê Kurdewarî ya Şaredarîyan

Ziwanê Kurdî û kulturê kurdewarî di stûnê bingeyîn, xoser û muhîm ê neteweya kurdî yê, ke hetê kurdan ra sey bîyayîş, xobîyayîş û rûmet û nasnameyanê neteweyîye yenê pênaskerdene. Ziwanê kurdî û kulturê kurdewarî seba zaf sebebên ver nika zî mabenê dormaregirewtîş, çinhesibnayîş, qedexekerdiş, helênayîş û orte ra hawanayîş de yo. Her tewir teda û hêrişî serê ci de yenê viraştene. Şarê kurdî zî bi serran o seba ziwan û kulturê xo têkoşînêkê biheybetî ray beno. Warêkê nê têkoşînî, warê xorayberdişê herêmi yê.

Kurdistan de, erk û wezîfeyêkê bingeyînî yê xorayberdişê herêmi, averberdişê kar û xebatanê pawitiş û averberdişê ziwanê kurdî û kulturê kurdewarî yo, Ganî ma dîyar bikerê ke semedê serkewtîşê xebatanê ziwanê kurdî û kulturê kurdewarî, senî ke lazim o her warê cuya komelî de xebatanê zafhetî bêrê rayberdene, seba rayberdişê nê xebatan zî teqez sere ra heta binî ma heme hemşaredar, endamanê meclîsî, rayber, xebatkarên şaredarîyanê ma zî mîyanê kar û xebatanê kurdî û kurdewarî de bibê.

Ma sey namzedanê hemşaredarîyanê Partîya DEMî û heme endamanê meclîsî yê ma, çarçewaya rayberdişê herêmi yê zafziwan û zafkulturî de, bi xususî seba rastîya rewşa ziwanê kurdî, kulturê kurdewarî, do heme kar û xebatanê xo de ziwanê kurdî û kulturê kurdewarî û daraxê tewr corî de esas bigîrê, seba pawitiş û averberdişê înan her milî ra, her dem û he ca de bi hewayêkê şênber, domdar, mende, xelqker û netîcegirewte her kar û xebatanê muhîmî bikerê. Senî ke Ehmedê Xaniyo nemerg vano: "No zeman de her kes mîmarê dêsê xo yo."; ma zî do bibê mîmarê ziwanê kurdî û kulturê kurdewarî.

Bi goreyê nê:

- Her çiyî ra ver ma do babeta ziwanê kurdî û kulturê kurdewarî stratejî, polîtîka, program, plazsazî û karnameyanê xo yê seba her warî de amade û dîyar bikerê; seba pêardişê nê daraxê tewr corî de butçe, kadro û xabetkaran bîaqitnê; bi no qayde bi rayapêroyî rê pare bikerê û seba pêardişê înan çî lazim o ma bikerê.
- Verba karê helênayîşê ziwanê kurdî û kulturê kurdewarî de, ma do her dem, her war û her milî de, goreyê proje, program, karname, û plazsazîyanê xo yê demkilm û demmîyan û demderg de çalakî û xebatanê cîya bi cîya yê ziwanê kurdî û kulturê kurdewarî pêbîyarê.
- Seba ke ziwanê kurdî bibo wayîrê statu, bibo ziwano fermî û ziwanê perwerdeyî ma do hetê heme sazî, dezgehanê têkildarî de mîyanê têkoşîn û xebatanê muhîmî yê domdar de bibê.
- Seba rayberdişê heme kar û xebatanê kurdî, bi kurdî û kurdewarî, ma do heme şaredarîyanê ma de Mudirîyetanê Pawitiş û Averberdişê Ziwan û Kulturî awan bikerê.
- Hemşaredaran ra bigîrê heta endamanê meclîsî, rayber, kadro, karmend, şewirmend û heme xebatkarên şaredarîyan seba ke hişmendîya kurdî bizanê do bêrê perwerdekerdene; sey şertêkê bingeyînî teqez do daraxêkê berzî de perwerdeyê kurdî bivînê, qiseykerdiş, wendiş û nuştîşî daraxê tewr başî de bimusê û bizanê.
- Materyalanê resnayîşî yê şaredarî yê sey resnayîş, vengdayîş, malperanê webî, rîpelanê medyaya dijîtalî, tabela, pano, afîş, eşkera, vengdayîş, kar û xebatanê rojane û seypê yê fermî, pêroyî, komelî do daraxê tewr corî de bi ziwanê kurdî zî bibê.
- Ma do binê banê şaredarî de bulten, kitab, kovare, çimeyanê, berhemanê bînî yê kurdî biweşînê.
- Xizmetanê weşîye ra heta kar û barê perwerdeyî, xizmetanê komelî ra heta xizmetanê kulturî, xizmetanê pêroyî ra heta xizmetanê seba doman, cinî û heme dormareyê bînî yê komelî, heme xizmetanê şaredarî de do daraxê tewr corî de bi kurdî bibê.
- Ma do namekerdiş û nasnayîşê heme ca û yewîyanê şaredarîye, heme silgir û kelmelanê bîn sîwana şaredarî de eynî demî de bikerê kurdî zî.

- Ma do nameyanê dewe, taxe, şaristanek, qeza, şaristan û heme ca, war, cugeh, wargeh, ganî, obje û kelmelanê bi kurdkî yê ke ameyê bedilnayene reyna bikerê kurdkî û wina bikar bîyarê.
- Ma do waranê komelî yê banderkerî û perwerdeyê zıwanê kurdkî û kulturê kurdewarî yê sey kreş, verdibistan, wendegeh, keyeyanê perwerdeyîye û musnegeh, keyeyanê deyîrbazan, keyeyanê sanikvatoxan, keyeyanê kaybazan, kitabxane, wendişgeh, edebîyatgeh, kulturgeh, hunergeh ûsn. yê kurdkî awan bikerê; nê cayan ser de doman, ciwan, cinî bi hezaran kesan perwerde bikerê.
- Ma do zaf cayan sazî, dezgeh û akademîsyane tarîx, zıwan, edebîyat, kultur û hunerî yê kurdkî û kurdewarî yê pêroyînî de û yê doman, cinî û ciwananan awan bikerê. Eynî demî de nê cayan de xebatanê cigêrayoxî, arêkerî, tomarkarî, banderkerî, perwerdekarî, nuştoxî, zıwanzanî, edebîyatkarî, kultur, hunermendîya kurdkî û kurdewarî ray berê; rayberî û hetkarîya amadekerdişî û pêardişê projeyanê derheqê înan de bikerê.
- Ma do her şaristan, qeza, şaristanek, taxe, dewe û cugehanê Kurdistanî de seba serwerkerdişê xebatanê hewceyan ray berê, her tewir bername û çalakîyanê cîya bi cîya tertîb bikerê.
- Ma do konseyanê şaristanî yê ke do ser bingeyê temsîliyetê seypê û demokratîkî yê kom û komelanê wayîr zıwan û kulturê cîya bêre awankerdene de zıwanê kurdkî daraxê tewr corî de bikar bîyarê û bidê şuxulnayene û bikerê zıwanêko bingeyî.
- Ma do seba pawitiş û averberdişê zıwanê kurdkî, kulturê kurdewarî û heme erjanê neteweya kurdi, heme sazî, dezgeh, platform, însiyatîf, sendîka, oda, weşanxane, karsaz, esnaf, konseyê şaristanî, dormareyanê bîn ê şaristan, qeza, û şaristanekan de xebatanê hemparî yê şênber ray berê; seba ke her keye, xan, papûre, taxêkê şaristanî, û cugehanê ma yê bîn de zıwanê kurdkî û kulturê kurdewarî serwer bibo çî lazim bibo ma do bikerê.

Ma sey rayberdişî yê herêmi yê şarê xo, seba averberdişê xebatanê cor û zafêr xebatanê bîn ê pawitiş û averberdişê kurdkî, kultur, edebîyat, hunerê kurdkî û kurdewarî de teqez qerardar ê, seba pêardişê înan çî lazim bibo ma do bikerê; no sozêkê ma yo bingeyî yo seba şarê ma. Bêşik, ma do no zî bi şarê xo rê bikerê û pîya bi ser bikewê.

Bi nê minasebetî zî; ma veng û vajî heme şarê xo kenê ke têkoşînê xo yê seba zıwan kurdkî, kultur û heme erjanê kurdewarî bi serkewtişê weçînayîşanê herêmi tacîdar bikerê.

Dem demê zıwanê kurdkî û kulturê kurdewarî yo!

Her dem zıwanê kurdkî û kulturê kurdewarî; her ca de zıwanê kurdkî û kulturê kurdewarî!

Seba zıwanê kurdkî û kulturê kurdewarî her dem têkoşîn, her dem kar û xebate!

Serkewtiş zıwanê kurdkî û kulturê kurdewarî yo!

Heme Namzedê Hemşaredarî û Endamê Meclîsê Şaredarîyanê Partîya DEMî

12.03.2024